

# Powšitkowne WOZJEWJENJA

njedźelu, 10. julija 2016

## Změna kemšacych časow

W Róžeńće su wot přichodneje njedźele, 17. julija, hač do kónca septembra jeničce Bože mše w serbskej rěči w 10.30 hodž. We Worklecach w tym času scyła žane njedźelne kemše njebudu.

## Štó ma zajim na starych Katolskich Posołach?

Budyske Ludowe nakładnistwo Domowina ma cyły rjad njewjazanych starych Katolskich Posołow, kotrež by wotedało. Tute su z lět 1970 hač do 2001. Štóž so za nje zajimuje, njech so na nakładnistwo, telefonowe čisło (0 35 91) 577 263, wobroći.

## Nóc w swětle swěčkow

Na „Nóc 1.000 swěčkow“ su wšitcy sobotu, 23. julija, wot 19 do 24 hodž. do klósterskeje zahrody w Pančicach-Kukowje přeprašeni. Doniž njezaswěća swěčki, poskići so na jewišću pisany program. Tež za džěci je zaběra spřihotowana, mjez druhim pućowanje z wajchtarjom. Zarjadowar je Křescansko-socialny kubłanski skutk z.t.

## Wulět seniorow SŠT

Dlěšodobnišeho planowanja dla zdžělmy hižo termin wulěta seniorow Serbskeho šulskeho towarstwa z.t. (SŠT), kotryž budže wutoru, 20. septembra. Podamy so do Zieloneje Góry a tamnišeje wokolinje. W měsće a we wokolinje wobdžělnikow mnohe pozbudžace začišće wočakuja.

*Měrcin Krawc*